
EW NAMOPUNG

A forata ew pekin afeifeitan tufich (development authority) fan asengesin Mortlock Islands, pwan fori ototun, tumunun wisan, me nemen ei pekin angang, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Forutan ewe Authority. Ewe Mortlock Development Authority (MDA) iei a foruta fan pochokunan annukun Truk State me Federated States of Micronesia. Ewe Board non ewe Authority epwe wisen finata nenien ewe cfesin Authority.

Tetten 2. Neni epwe ku ei angang. Ewe Authority a foruta ren an epwe atufichi ekkei municipalities a mak fan non State of Truk:

- (1) Nama;
- (2) Losap;
- (3) Pis/Losap;
- (4) Namoluk;
- (5) Ettal;
- (6) Moch;
- (7) Kuttu;
- (8) Oneop;
- (9) Satawan;
- (10) Ta; me
- (11) Lukunor..

Tetten 3. Popun ewe Authority. Ewe Authority epwe nengeni ekkewe osupwang an ekkewe neni, iwe seni an pusin'tongeni epwe angang fangon me ewe Muun Chuuk me ewe Muu-Nap pwan ekkewe pekin angangen pisinis an aramas ne afefeitai pekin angangen moni non ekkewe neni.

Tetten 4. Board of Directors

(1) Forutan. Epwe wor ew Board of Directors non ewe Mortlock Development Authority, an epwe wisen tumunu pwan nemeni ewe Authority.

(2) Chon. Epwe ukukun 12 chon ewe Board. Emon seni ew me ew ekkewe municipalities usun a pwarata non Tetten 2, repwe kefinita seni ekkewe councils, iwe pwan ewe tupun Governor (Governor's Representative) ika pwe mei wor i epwe chok chon, nge esap tongeni vote. Ika pwe esewor Governor's Representative non ewe neni, iwe chon ewe mwiich epwe chok ukukun 11.

(3) Nangattaman Fansoun Wiser. Nangattaman fansoun wisen ekkewe ra tupuni ekkewe municipalities epwe ukukun unungat ier, chinchon chok ika epwe ne poputan fansoun ar wis, me amasowa neni mei pon epwe pwan affat non ei Nopung. Fansoun poputan wiser kewe epwe poputa non ewe ran ra aewin ne mwiich.

(4) Aewin Mwiich. Esap mang seni one (60) ran me mwirin ewe ran a poputa pochokunan ei Nopung, ewe Board epwe afisi an mwiich ren an epwe finata noun nouwis, pwan fori ekkoch an angang. Non an aewin mwiich, chon ewe mwiich ra wisen tupuni ekkewe municipalities repwe uttut (by lot) ren langattamen ar repwe choni ewe mwiich, epwe iei usun napanapan: famon repwe choni ewe mwiich non ew ier, nimmon non ruu ier, pwan unumon non unungat ier. Ewe Governor's Representative epwe wisen akkokou ewe aewin mwiichen Board, nge ika pwe esewor ewe sakkun wis, iwe ewe Chairman non ewe Mortlock Advisory Council, i epwe pwan wisen nemeni ewe mwiich tori nupwen fansoun ra kafinita ekkewe wesewesen nouwisen ewe mwiich, usun a mak non ewe Subsection (7) non ei Tetten.

(5) Neni mei Pon. Ew neni mei pon me non ewe Board, epwe ammasou usun chok pwan napanapan an finita me monun me akkom. Nupwen fansoun a wor ew neni mei pon, iwe ewe Chairman, nge ika pwe ese namw, iwe ewe a wisen nemeni ewe mwiichen Board epwe asinei ngeni chon ewe Board me ewe municipal government epwe wisen ammosowa ewe neni.

(6) Toou.

i. Chon ewe Board repwe tongeni toou seni ewe Board nupwen fansoun ar rese tongeni fiti mwiichen Board fan unungat tettenino chok, ika seni ar rese tufich non wiser, rese fori angangen wiser ika foforingaw lon ar wis.

ii. Ren an emon chon ewe mwiich epwe tongeni tou seni wisan, epwe ukukun unungat na ruwanuwen (3/4) chon ewe mwiich meinisin repwe tipeeu seni ar uttut. Iwe porausen usun an emon epwe tou seni wisan epwe akkam for, esap kis seni inik ran me mwan ar repwe angang won, iwe epwe affata non annukun ei Authority, iwe epwe pwan affata meta sakkun tipis ewe emon aramas a fori, ika pwan chon pwarata me pisekin pwarata epwe pwan wor.

iii. Ewe District Court non State of Truk epwe wisen nom ren ewe pochokun ne eani ewe sakkun kapung. Nupwen fansoun a foruta ewe State Court non Truk, iwe epwe ne wisen eani pochokun ne eani ewe sakkun kapung.

(7) Nouwis. Ewe Board epwe finata seni chon ewe mwiich, emon Chairman, Vice-Chairman me Secretary-Treasurer. Ewe Chairman epwe wisen nemeni ewe mwiichen Board nupwen fansoun mwiich. Nupwen an ewe Chairman esenamw, ewe Vice-Chairman epwe wisen nemenem. Nge ika pwe ir me rucomn rese nomw, ewe Secretary-Treasurer epwe wisen nemenem. Annukun ei Authority (by laws) epwe affata io epwe wisen nemenem nupwen ekkewe nouwis resenowm.

(8) Fansoun Mwiich. Mwiich epwe fis esap kis seni fan ew non iteiten kuachen ier, fansoun me nenian mwiich epwe finita seni ewe Chairman usun epwe affat non ewe annuk (by laws).

(9) Mwiich Atapwanapwan. Mwiich atapwanapwan mei tongeni fis me ren chok ewe Chairman, ika pwan seni chon mwiich ren ukukun ew-na unungaten (1/3) chon mwiich ra tungor, napanapen ei sakkun epwe affat non annuk (by laws).

(10) Ukukun Chon Mwiich. Epwe ukukun oncomn chon mwiich repwe namw, iwe a tongeni fis ew mwiich.

(11) Executive Committee. Ewe Board mei tongeni ren annuk forata ew Executive Committee, chon ewe mwiich me pwan sakkun ar angang.

(12) Taropwen Mwiich. Meinisin an ewe Board me ewe Executive mwiich

epwe suk ngeni aramas, nukun chok ika pwe mei wor mettoch mei monomon porausen emon. Ewe Secretary-Treasurer ika nupwen esenamw, emon chon ewe mwiich epwe finita seni annukun ewe mwiich, epwe wisen tumunu unusen porausen ewe mwiich nupwen fansoun mwiich, iwe epwe mumuta an aramas repwe katon non ese nifinifin fansoun me neni, usun met annuk a apasa, chinon chok mettoch mei monomon ren porausen emon.

Tetten 5. Pochokunan ewe Authority. Ewe Authority, fiti an ewe Board of Directors, ikkei an pochokun, wisan me an angang:

(1) nengeni ekkewe osupwang ren pekin moni tonong, sukun me napanapen ach nonom non ekkewe neni ei pekin angang a wor wisen tumunu, iwe pwan nengeni ekkewe orenien ekkewe neni;

(2) awora akkot ren met epwe fis ren afeifeitan pekin manawen me tufichin seni pwisin ekkewe neni;

(3) kut moni seni ekkoch pekin, ren an epwe atufichi ei angang ika akkot;

(4) fori ekkewe program me projects, seni ren pwisin chon ei angang, ika kontrak, menni chok sakkun ei Board a mefi pwe mei murino;

(5) awora emon Executive Director me non Budget me Finance Officer, iwe pwan fori annukun ekkewe chon angang, pwan awora ekkoch chon angang seni meta annuk a apasa, ika seni an we Board mei auchea, ren epwe fis eoch an ewe Authority angang;

(6) a tongeni fiti pungun annuk won fonuan pisekin, imwan pwan ekkewe ekkoch sakkun pisek; a pwan tongeni ammo, ika mutata an epwe chok kamo nupwen aea, ika aniwini pisekin kewe nupwen fansoun ewe Board a mefi pwan mei murino ngeni an angang;

(7) forata, tumunu, amokutu ika fori ekkewe angangen sopai epwe tongeni afisata ekkewe popun ewe Authority a mwochen; pwan angei mon ekkewe angang, iwe ekkewe moni mei tonong epwe nam non monienapen ewe Authority;

(8) fori pwan eani ekkoch kontrak, ika pwan fori ekkewe sakkun atipew ren pekin angang epwe namot ngeni ewe angang, me pwan ekkoch napanap a mefi epwe murino;

(9) epwe tongeni paro moni non ekkoch fansoun, nge an ewe Authority kewe niwinimang esap pwan an ewe Muun Chuuk ika an ekkewe kinikinin muun non Chuuk pwan met monien me pisekin ewe Muun Chuuk me kinikinin ewe Muun Chuuk esap pwan tongeni aea pwe kamusen an ewe Authority niwinimang, chinch chok ika pwe mei affat non annuk;

(10) awora pwan angei niwinimang, fees me pwan mon pisek mei kamenc, me non angangen ewe Authority a fori, nge esap wor moni tonong seni ei angang epwe napanapen ew takisesin aramas, takisesin chon aea ekkewe pisekin muun ika seni ekkewe pisek an ewe angang, nukun chok ika pwe mei mumuta seni annuk;

(11) fori fiti pungun annukun ewe angang, ekkewe meinisin taropwe mei auchea ika namot ngeni poputan an angang;

(12) fori ekkewe ekkoch angang me eani ekewe sekining mei namot ika murino ren aponuweta an kewe angang me wisan mei affat me ren annuk; pwan

(13) apungano napanapen, katoun me annukun angangen ewe Authority.
Tetten 6. Kapung me Tupun non Kapung.

(1) Ewe Authority a tongeni kapung ngeni emon non pusin itan, me emon a tongeni kapung ngeni; nge mettoch ika niwinimang an ewe Authority nupwen ese fori an ewe Muun Chuuk angang, iwe esap ewe Muun Chuuk epwe eani ewe sekining.

(2) Ewe Attorney General non Muun Chuuk epwe wisen tupuni pwan anisi ewe Authority non pekin mettoch mei fiti annuk, chinon chok ren met mei wor an conflict of interest won, ika met mei wenengeni.

Tetten 7. Nemenemen.

(1) Ewe Authority, a ngeni ewe Board an epwe angei, annamu me tumunu, atou moni ika pisek mei kawor ngeni ewe Authority seni ekkoch pekin angang. Ewe Authority mei tongeni aea napanapen an muun tumunu noun taropwen moni, ika pwan ekkoch sakkun napanapen tumunun taropwen moni mei foruta seni annuk ren pekin angangen kampeni.

(2) Ewe Authority mei tongeni kamo an pisekin non offes, pisekin angang me ekkoch sakkun pisek non an pwisin napanapen angangen kamo ika an muun, ika menni chok sakkun napanap epwe tufich.

Tetten 8. Budgetin Ier. Ewe Board epwe fori pwan atononga an ewe Authority budget iteiten fiscal ier, non met napanap mei affat me non annuk, usun mei fis ren ekkewe putain ewe Muun Chuuk nupwen ar fori pwan atononga ar budget. Ewe mumuta an epwe katou me nounou moni mei watte seni ukukun mei kawor, iwe epwe tongeni tipis usun chok met napanap mei fis ngeni Muun Chuuk.

Tetten 9. Executive Director. Epwe wor emon Executive Director non ewe Authority, epwe finita seni ewe Board, pwan non fan nemenem. Ewe Board epwe wisen fori niwinin ewe Executive Director. Ewe Executive Director epwe wisen tumunu angangen ekkewe programs me projects me pwan ekkoch angangen ewe Authority, iwe epwe pwan tongeni atononga, nemeni me atou chon angangen ewe Authority, fiti pungun me ren annukun chon angang ewe Board epwe forata, nukun chok meta a apasa non Tetten 10.

Tetten 10. Budget me Finance Officer. Ewe Executive Director epwe wisen finata emon Budget me Finance Officer, fiti tipeeun ewe Board iwe ren napanapen ewe wis epwe affat non annuk. Ewe Budget me Finance Officer epwe wisen angei pwan atou monien ewe Authority. Mwan an epwe ne fori wisan kewe, epwe akkam fori ew monien pon non wisan we esap kukkun seni \$10,000 ika watte seni ei ukukun a foruta seni ewe Board. Ewe ukukun monien pon epwe fori me ren ew ika chamong ekkewe aramas ra tongeni fori, ir ra mumuta ar repwe fori ar pisinis non Federated States of Micronesia; iwe napanapen taropwen epwe kapunguno seni ewe Attorney General non Chuuk. Ewe Budget me Finance Officer epwe fori wisan fan nemenian ewe Executive Director.

Tetten 11. Taropwen Moni. Ewe Board me ewe Executive Director repwe chufengen ne nengeni pwe ewe Budget me Finance Officer mei tumunufichi taropwen me puken moni epwe pwarata moni tonong, moni tou pisekin me noun moni, me an ewe Authority niwinimang, pachenong pwan ekkoch pisekin me moni. Ewe Board epwe fori an repot ngeni ewe Governor me ewe Speaker non Legislature, esap mang seni one (60) ran me murin an saponu ewe fiscal year non an iwe repot epwe affata meta ewe Authority a fori non ewe ier, ifa usun non ei ier, pwan met kan ewe Board a mefi pwe mei murino an epwe repotini. Ewe State

Auditor, ika pwe ese wor emon, ewe emon mei wor noun nansen ren pekin chedin taropwen pisinis, epwe finita seni ewe Board, ren an epwe wisen neni ika nengeni taropwen ewe Authority iteiten ier, iwe epwe repotini met a kina ngeni ewe Governor me Speaker non ewe Legislature.

Tetten 12. An ewe Authority Takises. Fan aukukun ewe nenenem ren for takises ewe pekin for annuk non Chuuk a tongeni fori, ewe Authority epwe pwan namw non tettenin ew ekkewe pekin angangen muun, iwe epwe kapichino seni takises, usun chok ew ekkewe pekin angangen muun, ren an angang a pwan usun chok ew angangen muun. An ewe Authority angang a usun chok ew angangen sopai ika pisinis, nge ewe Authority epwe iteni pwe ew angangen sopai ese wor winan.

Tetten 13. Annukun chon Angang.

(1) Ewe Authority epwe pwisin forata an annukun me napanapen tumunon noun chon angang, esap pwan fiti ewe Annukun chon angang non Chuuk, ika ewe Truk State Public Service System. Ewe Board mei tongeni fori an tungor ngeni ewe Governor, ren an epwe pwan pachenong non ewe Truk State Public Service System fan asengesin noun chon angang; nge, ika pwe ewe Authority a mochen pwe epwe pachenong non ewe Truk State Public Service System, iwe ewe Board mei tongeni finata ekkoch sakkun wis a mefi pwe repwe kapichino seni ewe annuk.

(2) Meininis chon angangen ewe Authority, pachenong ewe Executive Direcotr me ewe Budget me Finance Officer, ika pwe ir ra tongeni chok sopeiemo ar kewe tufich me pung nupwen ar angang ngeni ewe Authority.

(3) Ewe Board, mei tongeni ngeni noun ekkewe chon angang tettenin niwin repwe niwinini me ekkewe sakkun tufich repwe eani non ekkoch kinikin ika non unusen seni ar mei pin angang ngeni pekin muun me nam.

(4) Ewe Truk State Government epwe awora ngeni meininis ekkewe chon angang ngeni ewe Authority me nam, ekkewe ra tou seni ar angang non iteoch ekkewe tufichin angang seni ar pin angang ngeni ewe Authority me ar pin angang ngeni Muun, usun chok ekkewe tufich repwe angei nupwen ar angang ngeni ewe Truk State Government me ewe Trust Territory Government.

Tetten 14. Asinei ngeni ekkewe municipal usun ekkewe projects. Ewe Authority epwe achocho ne asinei ngeni ekkewe municipal government ika muun fonu ekkewe projects epwe no-ngenir non fansoun mei tufich, iwe epwe pwan sopeieno ne akkasinei ngenir unusen aramas met porausen ekkewe projects ika mei akkasiwin non ar atot.

Tetten 15. Kuten Fonu me Aninisin Kuten Neni.

(1) Nupwen fansoun ewe Authority a mochen an epwe aea fonuwen ika pisekin emon aramas, iwe mei affat me non Sopun 16 me 17 Itenap 67 me non ewe Trust Territory Code. Ewe State Government epwe wisen eani sekining ne kut fonu me aninisin kut neni.

(2) Ewe Authority epwe muttir asinei ngeni ewe State Government fansoun a mochen aea ika angei fonuen ika pisekin emon aramas ika fonuwen ika pisekin ewe State, ika ewe Public Land Authority. Epwe affat non ewe taropwen asinesin fonu ika pisek epwe aea ika angei, popun an epwe aea, nangattamen fansoun an epwe aea, napanapen akkasiwin ika pwe ese fis ewe mochen, me pwinin maram fansoun epwe poputa aeaen ewe neni ika pisek. Ewe State Government epwe wor an puung non fonuwen aramas ewe Authority a angei ika aea, nukun chok ika pwe mei wesewesen affat non annuk.

Tetten 16.

(a) Kaworen Moni. Ei ukukun \$25,000, ika fite ukukun epwe tongeni naaf, iei a kawor seni ewe Monienapen Legislature ren fan asengesin monien me niwinin mwokutukutun me angangen ewe Mortlock Development Authority. Ei ukukun moni epwe no ngeni ewe Mortlock Development Authority, ewe epwe wisen tumunu mwokutukutun ei moni ren an epwe chok fiti met mei affat non ei Annuk. Met monien esemwo it ne nounou nesopoonon ewe fiscal year epwe niwin sefan ngeni ewe Monienap.

(b) Ewe Mortlock Development Authority epwe awora an repot ngeni Legislature me mwen April 15, 1982, epwe affatatiw:

(1) awora tichikin usun nounoun ewe moni mei kawor non Tetten 1, pwan affatatiw ukukun nussun mei wor non April 1, 1982;

(2) affata met anapanapen nounoun ewe moni non nussun ewe fiscal year ren ewe nussun moni, nge och sopusopun repot won nussun

ewe moni epwe pwan kawor nefinen 20 ran me murin sopeonon ewe fiscal year ngeni ewe Legislature ika ew committee mei wenengeni epwe affata usun nounoun ewe moni; pwan


(3) awora met anapanapen moni epwe kawor ren ewe Authority non Fiscal Year 1983.

Tetten 17. Poputan Pochokunan.


(a) Tetten 16(a) me non ei Namopung epwe poputa pochokunan non October 1, 1981, ika atun an pusin winiti annuk nge esemwo pwan kapunguno.

(b) Ei Namopung epwe poputa pochokunan fansoun an kapunguno me ren Kepina ika pusin winiti annuk won winikapan.

Sain seni:


Tadashi C. Wainit, Speaker
Truk Legislature


Annetata:


Davasi Albert
Legislative Clerk/Secretary
Truk Legislature

Pwinin maram:

October 6, 1981

Kapunguno seni:


Erhart Aten, Governor
Truk State Government

Pwinin maram:

October 27, 1981